

天一閣藏明代方志選刊

建寧府志



重脩建寧府志序

嘉靖辛丑春三月建寧府



貳郡石涌謝侯邦信過嵩請曰
郡之有志所以資政治也今校
讎就緒梓刻告完予郡人也可
無一言引其端乎嵩以學識荒
蕪固辭不獲乃告之曰志史之

流也禹經九州周叙職方春秋
列國之史官漢唐宋輿地之圖
謀皆志類也夫風俗之淳漓政
治之得失山川之險易人才之
盛衰非有以志之後將奚徵焉
故孔子以夏殷之禮能言而有
杞宋不足徵之歎則志書之作

docsriver 文川网
入驻商家 古籍书城

在文川网搜索古籍书城 获取更多电子书

可少後乎建寧禹貢揚州之域
星紀牛女分野至秦始入屬郡
由漢歷宋幅員益廣迨我

皇明統一寰宇是郡居八閩上游
遠連浙西近瞰江右山川竒拔
毓秀鍾靈真儒篤生上承洙泗
名臣疊出遠匹臯夔如三胡朱

蔡道統之傳五劉章揚事功之
盛他郡鮮能及也是故匪志以
紀之則何以表先哲示楷範明
教化端士風以紹美前聞乎郡
舊有志歲入殘闕弘治壬子郡
守松江劉侯璵禮聘儒彥因前
守安成劉侯鉞舊草損益成集

歷今五十年脫畧未備觀者病
焉嘉靖丁酉郡守常熟夏侯王
麟銳意脩述爰付郡人謝州牧
純編纂刊刻夏侯尋以述職去
不克校正貳郡婺源汪侯玩以
是舉不可中止乃白於建寧道
東麓汪公佃成之且請據事直

書斯爲實錄汪公以爲然遂命
儒職朱君幸鄉舉楊君堽滕君
鶴齡黃君封張君雲漢楊君應
詔重加攷訂取舍仍裁決於汪
公凡訛者正之遺者補之繁者
刪之不經者汰之脫稿間適新
守餘姚王侯正思至未及入梓

東麓以擢官去汪侯以考績去
王郡守亦以述職去事遂寢行
嗚呼斯志之成其難有如此者
豈將有所待耶庚子秋石梁郝
公維嶽持憲是道以郡志久湮
靡所披究乃屬謝侯彙次鋟行
侯時綰郡符遂加裁定乃付梓

人板刻之凡館穀楮頴騰寫諸
費皆自己出一毫不擾於民工
畢予諦觀焉見其秩而有序約
而不遺其事核其詞正其文質
取予之公條貫之備發凡舉例
之審他志未能或之先也竊嘗
論之郡之有志猶國之有史也

志與史體雖少殊而作史者每
於志采錄焉則志是亦史也昔
人謂作史有三長而志亦不可
缺一則志豈易言哉故繁則複
簡則遺文銜則誣溢美則誕皆
不足以言公也是編不徇已私
不昵親比質諸載籍之公咨以

見聞之實使一郡八邑之跡歷
千百年之遠皆可按籍而得謂
非志之善歟史之義歟嵩家食
有年茲際郡書告就旣獲附名
其間而復繆數語於末簡豈非
幸耶卷計二十有一凡山川疆
域風俗城池戶口田賦學校選

舉人物宦蹟之類纖悉不遺可
謂詳且明矣其有裨於治化豈
淺淺哉是役也人更數手歲歷
五霜非得吾郝公以主之謝侯
以成之恐不免於中輟矣雖然
郝公首先教化整飭吾邦百度
貞肅而是志特加意焉可謂識

其大者謝侯遠器清才博洽明
練不再月而墜典復全皆可紀
也第嫌於見任故他善政不敢
贅云

嘉靖二十年孟夏之吉

賜進士嘉議大夫南京工部右侍
郎在告前都察院右副都御史

奉

勅巡撫四川等處地方
既寧范嵩
拜書

建寧府志序終

重脩建寧府志序

郡邑志類古國史而實不同史
載列國刑賞舉錯祀戎朝聘盟
會之典志則紀郡邑封域沿革
民俗土宜秩官體統百凡之制
列國之政日新不窮而郡邑之
制一定無改史辭積久漸繁志

docsriver 文川网
入驻商家 古籍书城

在文川网搜索古籍书城 获取更多电子书

文靡所加益故曰志與史異唯
人才盛衰職官更代小有增紀
者爾建居八閩上游溪山清駛
秀拔實為雄郡而志獨缺弘治
壬子郡守雲間劉侯璵始因前
守安成劉侯鉞遺草成編然粗
畧未備迄今幾五十年板刻殘

脫嘉靖丁酉郡守姑蘇夏侯玉
麟爰即舊志載加蒐輯且續壬
子以後事既脫稿未及校勘述
職以去予乃重命汪丞玩以屬
三學師生共圖之而道謀作舍
迄無成功於是鄉進士楊垚滕
鶴齡輩告予請任其事復屬旣

寧訓導朱君幸助之精加讎校
補其缺遺正其舛謬是是非非
覈真求是會新守姚江王侯正
思至協力贊決始克有成以卒
夏守之志予披勘連日稍是正
之而復備一言于端以為志之
所難者在于褒貶匪嚴無以昭

既徃之衮鉞匪公無以示後來
之勸沮雖志之為體主於善善
而無貶辭然或曲筆以取諛或
評隱以賣直皆不可謂實錄至
使人弗信弗從史家病焉故有
謂舊志為宦族家乘者又有列
孝友而以忿閭訟于官表貞節

而以不謹聞敗北輿尸而厲忠烈之科者到今以為口實是編既嚴且公又皆耆舊之所傳聞耳目之所睹記其灼灼可信而傳也審矣後之觀者必將曰偽不可長誠不可掩作善于一時名顯于身後激勵獎導興起而

觀法焉者多矣矧建承閔洛之
源流為名賢之鄒暮言行述作
師表百世重加昭揭著蔡後生
其有關於風化豈小小哉至于
建啓之顛委規制之數度物產
之衍縮官方之紀綱稽分野於
乾象表形勝於坤輿具存往蹟

較有明徵譔次勩讐可坐而集
今諸君既留意于其難矧其易
者有未該耶自今以往繼守茲
郡者得所資矣予不文舊著奉
命校書是邦雖中老弗果行而寤
寐神遊未始或忘乃今一紀起
廢竊祿于茲又獲附名末簡以

儻夙願若有數存焉於是不辭
而為言

歲己亥捌月初貳日福建按察
司僉事奉

勅整飭建寧道兵備前翰林院侍
讀

經筵講官兼脩

國史弋陽汪佃書

九例

一舊志昉於宋守韓元吉張叔椿後皆遺失無存
成化中知府安成劉鉞重編未就而去後太僕
少卿楊亘得其稿於江右然已殘缺弘治壬子
再修頗多宗其義例今亦因之纂輯而稍加折
衷焉

一建甌二縣附郭則郡圖已該二縣在內不必又
各爲之

一叙郡中山川人物土產之類當倣一統志例連
續書之下注已上屬某縣

一事蹟惟據實直書則美惡自見不必輒爲論贊
以褒貶於其間也

一山川止列其大而有名者其岡阜支流不能悉
紀

一官師止載漢唐以後可考者其未通中國以前
不必強入若其品秩俸給職掌皆有定制不必

詳述

一名宦必載沒世之人其存者雖有卓行亦不可入不徒避嫌亦蓋棺事始定之意也

一節婦已經 旌表者必錄或府縣上司有公移獎勵者亦然其有志節尤彰著者則不拘此例亦皆俟其死後始可入

docsriver 文川网
入驻商家 古籍书城

在文川网搜索古籍书城 获取更多电子书

雜紀

摠序

夫有建置而後郡邑之名立名立則沿革隨之矣故首之以建置沿革郡邑既分各有疆域疆域既定則分野昭矣故以分野附焉疆域之內各有山川以標形勝故次之山川山川有向背則寒暖異齊故附之以氣候山川氣候既殊則風俗自別故次之以風俗風俗

不一則董之以官師

官師有善政者則表為名宦

既有官

師則城池建矣公署設矣津梁坊巷表而祀

典興矣由是而戶口息焉物產饒焉貢賦修

焉故皆循次列之然貢賦之重者莫如人故

以選舉詳列于後選舉人才必儲養於學校

故次之以學校學校所造固多亦有不出於

此者則總叙人物而分其科焉乃若異端之

徒有僧道而法所不廢則寺觀亦具載之其